



**Christophori Ballistae Parhisiensis In podagra[m] concertatio,
ad Reverendissimum in Christo patrem, illustrissimumq[ue],
Dominum Philippum de Platea, Sedunensem Episcopum. ;**

<https://hdl.handle.net/1874/421194>

u

CHRISTO

PHORI BALLISTAE PARHISIENSIS
in Podagrā concertatio, ad Reuerendissimum in Christo
patrem, illustrissimumq; principem, Dominum
Philippum de Platea, Sedunen-
sem Episcopum.

ADIECTVS EST DIALOGVS INTER
Podagram & Christophorum
Ballistam.

Ad triatendo.

CHRISTO

PROLE BALLEZAS DE ESTEROS
ESTEROS DE LA AMERICA DEL SUR
ESTEROS DE LA AMERICA DEL SUR
ESTEROS DE LA AMERICA DEL SUR
ESTEROS DE LA AMERICA DEL SUR

ADVERTENCIA DE LA COMISIÓN

Almuerzo

REVERENDISSIMO IN CHRISTO PA-
tri, illustrissimoq; principi, Domino Philippo de Platea
Sedunensi Episcopo, Christophorus Ballista
Parhisiensis. S. & foelicitate
tem optat.



VVM nouissimo mense Februario, Sedunē
esset, cui florentissima, numerisq; omnibus
absolutissima ciuitati, merito praes. memiz
nisti, reuerendissime pater, literas me ad tuā
dignitatem dedisse, quibus significabam eo me esse in te
animo, ut uellem tibi Podagra laboranti, quanta possena
& uigilantia & industria, mederi. Increbruerat siqui-
dem ad meas aures publice fame rumoribus, eo te mor-
bo cōsultari, & grauiter ac permolestē ferebam: talem
tantumq; uirum, qualis quantusq; es, in id calamitatis
deturbatum. Perlectis literis iussisti cōfestim in tuum me
castrum accersiri. Vbi quā plausibiliter, & quanta
cum humanitate me exceperis, nullis uerbis consequi
queam. Totum illic triduum, non modo de tue Podagrae
cunabulis, quae & luculentissime & admodum graphi-
ce narrabas. Sed de philosophicis diuinisq; rebus multa
inuicem commētati sumus: cum incredibili profecto mei
animi uoluptate. Sensi ex ea nostra cōsabulatione (ut ue-
rum candide & absq; ullo fūco fātear) longe plus te ha-
bere, abstruse reconditæq; eruditionis, quā esse in Epi-
scopo, unquā autumasset: rarū adeo hoc infœlicissimo

nostro seculo est animal, & coruo varius albo doctus
Episcopus. Caterum, adornantem me abscessum hortas
bere, quamquam uictus rationem: et nonnulla pharma-
ca tibi prescriberem, quibus truculentissimam istam bel-
luam (Podagram intelligo) ita obtruncare posses, ut nul-
lum denuo ipsi caput enasceret: quemadmodum &
Hydræ. Respondi mihi quidem, nil magis in uotis esse,
quam tuis desyderijs morem gerere. Et quamquam sum-
mis medicæ artis professoribus: & in primis nostro Hip-
pocrati uisum fuit, factu difficillimum Podagram ene-
care à multis olim annis insitam, & quæ altius radices
egit, non esse tamen eò usq; desperandum, ut prosperam
bonamq; ualitudinem pro conclamata & extincta ha-
beamus. Addidi sicut complures dies nobis nouercantur:
ita posse præter nostram expectationem, diem unum quem-
piam serenum ac propicium adfulgere, qui nobis quod-
dam ueluti Lethæum poculum, quarumuis erumnarum
obliuionem exhibeat. Tuae itaq; dignitati priusquam Se-
duno abscederem, nonnulla scripta reliqui, quantum mi-
hi tunc in summa, & ocij, & librorum penuria dabatur:
quæ, si exacte & diligenter abs te obseruata sunt, se-
datis autumo bona ex parte Podagræ intemperias.
Nunc autem annuente Deo opt. Max. aliquanto ube-
rius ocium nacti, adiuti simul opulentissima bibliotheca
uiri undecunq; eruditissimi Christophori Clauseri in re
medicæ eximij doctoris adgressi sumus concertationem in
Podagram arduam quidem ipsam ac difficillimam. Et
tibi

tibi (ut spero) non vulgari utilitati futuram. Primum
hinc nostrae, quantulacumque esse potest, doctrinae foetum
celeberrimo eidemque amplissimo tuo nomini dico ac con-
secro, quem ea fronte excipias, quaeso, qua praesentem
me excepisti, exporrecta scilicet, & hilariissima. Opus
ipsum elegiacis numeris ex industria abs me forma-
tum est, quod memoriae tenacius haerere soleat, quae car-
mine conscripta sunt. Sermonis cultum & politiam non
tam obseruavi, quam ueram fidelemque rerum omnium
narrationem. (Neque enim eloquentia, sed remedijs mor-
bi sanantur, ut inquit noster Celsus) ut interim taceam,
quam laboriosum sit ac difficile rei medicae argumentum
carmine tractare. Istud quicquid est operis, quod nunc
sinimus sub clarissimi tui nominis tutela in publicam lus-
cem uagari. Tu, quaeso, reuerendissime praesul idemque
illustrissime princeps, etiam atque etiam commendatum
habe. Et ita foue ac complectere: Ut ab eo emissum, quo
nullus sub coelo degit, tuae dignitatis obseruantior. Ves-
rum hic diutius moror quam par sit: Iam classicum aus-
dio grauissimi atrocissimique belli nuncium. Ad pugnam
itaque me accingo. Tu uero illustrissime Philippe, interim
dum ego in Podagram uelitabor, & spe & patientia te
ipsum aduersus seuissimum monstrum obarmas
bis. Vale felix in Christo, & me
(quod facis) ama.

CHRISTOPHORI BALLISTAE PARHI
siensis in Podagram concertatio.

In Podagrā ualidis concurrere uiribus ardet,
Mens mea, & audaci tela uibrare manu.
Ausa est iam nimium multis hæc bellua ab annis
In Sedunensem belligerare patrem.
Ille iacet misere adfectus, nec flectere gressum
Huic datur, aut ægros posse mouere pedes.
Et cochleæ in morē tacito latitare cubili
Cogitur. O grauibus fata gemenda modis.
Vlcerat ista meum nimio truculentia pectus,
Cordolio, & salsas conijcit in lachrymas.
Me dolor ire iubet dubij in discrimina Martis,
Quid moror? in pugnā iam properare iuuat.
Hūc ades, ô nostri generis medicina, salusq;
Aeterno soboles progenerata patre.
Tu mihi certanti medicatas pande sagittas,
Fac iaculis pereat bellua dira meis.
At te per superum quotquot sunt numina supplex
Oro, animum fortem magne Philippe geras.
Sperato, spes est pars uincendi optima morbi:
Succedet uotis blandior aura tuis.
Sæpe dat una dies quod secula longa negarunt,
Tempore & adueniunt cōmoda multa breui.
Spero equidem Podagram tetrum mittemus in orcum,
Et solia

Et solidos poteris ferre Philippe gradus.
Tu modò conserues memori que scripsero mente,
Infigasq; animo dogmata nostratuo;
Fallacem pedicam fera qua constringitur ipsis,
In pedibus πωδῶν ἄρσεν Græcia docta uocat.
Hinc haustum est morbi nomē, qui tormine seuo
Corripit, incautos illaqueatq; pedes.
Seuit in articulos primum, mox prelia tentat
Pellicibus, calcem protinus inde petit.
Serpit & in coxam nonnunquam, altumq; tumorem.
Inijcit, humorum dum graue pondus adest.
Nonnunquam & locus testes qui continet ambos
Intumet, & solito longior efficitur.
Tanti causa mali non una est, sepe parentum
Fit uitio, ut foetus corruat in podagram.
Corpore dimanans toto si debile sperma
Extiterit, membrum fingere forte nequit.
Inducit Podagram, nude indulgere palestræ
Plus satis, & Veneris furta iocosq; sequi.
Compages siquidem membrorum hinc tota mouetur,
Et uirtus neruos pristina destituit.
Tu quoq; qui præbes cunctis noua cornua Bacchæ,
Humanos nosti debilitare pedes.
Ennius altiloquo Heroum certamina uersu.
Scribebat Bromio dum bene potus erat.
Occubuit Podagra tandem, nec carmina uatem.
Mortis ab insidijs eripuerunt suum

Articulis etiam bellum exitiale minantur
Frigora, longa quies, & sine lege labor.
Cordis & irati rabidus furor excitat ingens,
Humorum in toto corpore litigium.
Hinc fit ut effrenes nulla ratione uagentur.
Et misera nervos conditione præmant.
Sepius is crasso sobolescit phlegmate morbus,
Non nunquam hunc etiam bilis utraq; parit.
Et nimius cruor oppletos dum corporis artus,
Occupat id uitij progenerare potest.
Crebrius adfcitur podagra mas: foemina raro,
Eius causa rei clara, & aperta liquet.
Foemina matricem naturæ munere sumpsit,
Vnde fluunt sordes menstruus atq; liquor.
At cum desierint solito procedere cursu
Menstrua, tunc podagram foemina ferre potest.
Sexus item exuperat maiore calore uirilis,
Humorem in nervos qui penetrare facit.
Subduntur podagræ quos urget cana senectus,
Quosq; diu morbi detinuere graues.
Sint satis hæc quantum ad Podagræ cunabula restat,
Exanclanda graui pugna labore ferox.
Incipiam, primum à planta succo, atq; metallo.
Et lapide auxilium suppetiasq; petam.
Inde gradus celeres animalia ferre iubebo,
Viribus & podagram suppeditare suis.
Postremoq; loco uino & dape mensa structur.

Et recti

Et recti uictus dogmata certa dabo.
Prima tibi dabitur sedes Panacæa decorum
Nomen habens cunctis, quod medeare malis.
Tu sociata uue passæ, pedibusq; reposta,
His adferre soles non leue subsidium.
Herba est que miro Phœbæi flagrat amore,
Syderis illius cōsequiturq; gradum.
Hoc orto sese ridens exporrigit, illo
Occumbente in humum mesta gemensq; cedit.
Propulsat podagram hircino cum est addita seuo,
Et mellissa pedes trita iuuare solet.
Verbenam & pedibus coctam sociare iuuabit,
Romano quondam hæc sacra fuit populo.
Mensa Iouis magni ac euerrebatur eadem,
Lustrabant aditus & loca quæq; domus.
Hostibus & bellum indicens pater ipse patratu,
Cinctum uerbena, est iussus habere caput.
Brassica mandatur (coctam præponito crudæ)
Illius excoctæ ius bibere haud pigeat.
Ipsaq; sit sociata sali, rute, & coriandro,
Ordea quam dederint sitq; farina comes.
Ex his confectum articulis cathaplasma dolorem
Auferet, & podagras trudet in exilium.
Et Rhaphani radix podagras, quibus haud tumor ullus
Si uino fuerit cocta leuare solet.
Insignem Rhaphanum magno ueteres habuere
In precio, & cunctis præposuere cibus.

Heliotro-
pium.

Decretum est Delphis quod celaretur in auro,
 Beta sed argento, plumbea rapa foret,
 Adponenda hæc sunt podagris, succus caprifici,
 (Sit foenugræci mixta farina sibi)

Vrticæ & radix acri contusa in aceto,

Lasfer si =
 ue assa fœ
 tida.

Et folia ursino consociata adipi.

Et succus quem Silphium alit quo sponsia lota
 Infirmis pedibus constituenda uenit.

Parieta =
 ria herba
 urceolaris
 seu Vitreo
 lum.

Nec non Parthenium, Cypriam cui iungere cæram
 Et seuum quod habet sima capella uelis.

Plantago sale conspersa, & lens mixta polente,

Mentastrum radix canabis, Abrotanum.

Succus hyosciami fuerit cui mixta farina,

Cera Ammoniaco pondere iuncta pari.

Populus.
 Senetio.

Herculeæ & frondes, quas forti percoque aceto,
 Herbaq; cui nomen cana senecta dedit.

Iuncta sit huic opus est axungia, tu quoq; cæram,
 Excoctis salicis frondibus ingerito.

De hoc
 sexto Pom
 peio. uide
 Pliniū in
 natural.
 historia li
 bro 22. ca =
 pite. 25.

Herbaq; quæ nomen fuci est sortita marini

Arida ni fuerit te podagrose leuat.

Triticeos podagram quis pellere credat aceruos,

Et firmos egro restituisse pedes?

Correptus podagra dum uentilat horrea Sextus
 Sese triticeos abdidit in cumulos.

Exurgens solito uestigia flectere gressu

Et stabilem cœpit latus habere gradum.

Namq;

Namq; exiccatus humor fuit atq; reuulsus

Qui grauis extiterat fons & origo mali.

Triticum enim tanto præpollet robore, uasa

Vt completa etiam reddere sicca queat.

Sambuci folijs hircinum adponito seuum,

Figæ pedi, præsens hoc medicamen erit.

Nec tu prætereas herbam quæ flore uirescit.

Perpetuo, rubras deijcit hæc podagras.

Siluestrisq; illas sedare cucurbita fertur

Cortice, & ardescens temperat ipsa caput.

Hasq; cucumer habet uires (id percoque aceto)

Anguinum, has etiam planta marina Brion.

Portulaca pedum lenit sale sparsa dolorem,

Atq; ignis flammæ temperat ipsa sacri.

Sanari mirum est podagras rubigine ferri,

Quin etiam hæc ferro uulnera facta fugat.

Thelephus Acacide ferro cum saucius esset,

Et medicam nemo ferre ualeret opem.

Consuluit tripodas, erit (inquit diuus Apollo)

Telephæ Achillæa cuspide parua salus.

Magnanimo gaudens se obiecit Thelephus hosti,

Et simul accepit uulnus, & auxilium.

Et iuuat Antidotum quod cuncta uenena repellit,

A Græcis nomen fontibus illud habet.

Barbara sex hominum Tyriacam nuncupat atro

Errore, & tenebris abdita Cimerijs,

Semper uiuum.

Multiplex illa cõpos

sitio aduersus uene

na inuenta theria

ca uocis tanta est

ἀπὸ τῶν

θερίων

hoc est a feris siue

belluis qd' aduersus

omnes uenenatas

beluas insituta sit.

Quid sal cōmemorem? rerum natura creatrix,
Nil sole utilius præbuit atq; sale.
Hoc condire epulas & fercula nostra solemus,
Si sal defuerit nulla popina placet.
Sal ualidos reddit firmos quoque corporis artus,
Id piscatorum cornea membra docent.
Sal uirtute acri pungit, penetrat, terebratq;
Dissoluit, mordet, concremat, extenuat.
Cum melle ac oleo tritum mixtumq; farine,
Robore defectis præbet opem pedibus.
Fidere consilijs tu si dignabere nostris,
Inualidos neruos proluat unda Maris.
Vtile erit te sulphureis immergere thermis,
Sepius hinc uires experiere nouas.
Sulphure, Nitro, & aqua mixtis podagram resoueto,
Hanc quoq; cocta olei tingere fece potes.
Sint satis ex lapidum numero tres, sune Gagatem,
Ex hoc sulphureus manat & exit odor.
Serpentes abigit, si quicquam scripseris illo
Fictilibus uasis, nunquam abolere potes.
Impone hunc podagre: Magnes cui summa trahendi
Vis ferri est, podagram discutit atq; domat.
Cote teras Medum, mulierisq; addito lacti,
Que primo partu est uisa tulisse Marem.
Sed abit podagram pedibus si admoueris illum,
Reddetur neruis pristinus atq; uigor.

Adproperate

Adpropere modo festino animalia gressu,
Optatam nobis atq; feratis open.
Ossa hominum in cineres fuerint, cum trita minutos,
Ebibita auxilium, non mediocre ferunt.
Lac muliebre pedi adpositum, mixtumq; cicute,
Ardentis Podagræ, tormina dira fugat.
Anseris hoc adipi, ac hyssopo iungere cures,
Autopio huic equidem recta medela datur.
Foemineos adipi crines coniunge sullo.
Et prae adfectis admoueas pedibus.
Urina haud pigeat quos sepe lauare uirili,
Illa sit ex sano corpore sumpta uelim.
Calcem aquilæ dextrū dextro cōiunge dolenti,
Ac leuo leuum diffugietq; dolor.
Nonnūquā et pedibus fac multa locetur hirudo,
Quam sanguisuge nomine turba uocat.
Ipsa quidem humani multū sūibunda cruoris,
Deseret arreptam, nonnisi plena cutem.
Humoresq; malos nimij qui causa doloris,
Extiterant auido protinus ore bibet.
Dum sese opplerit tandem satiata relinquet
Ipsa locum: Et multo pondere uicta cadet.
Si nimis adfixa est, modicum salis ingere triti,
Aut lanam exustam spargito uel cinerem.
Proderit eq; pedum uenis sudisse cruorem,
Hinc Podagram gignens humor abire solet.

In ueteris galli exhaustum solamina confert
Articulis placido membra calore replens.

Lac asine epotum podagris Chyragrisq; medetur,
Proderit ac epulis sumpta asinina caro.

Noctua cui fuerint prepinguia membra coquatur,
Carne huius crebro uescere iusq; bibas.

Caprini fuerit cineri si Axungia iuncta
Stercoris & pedibus iuncta salubris erit.

O summis lituis celebranda Axungia semper
Artubus humanis comoda quanta paras.

Frigida si fuerint nimiumq; argentia membra,
Per te natiuus tendit ad ipsa calor.

Tu rigida emollis tu mollia robore comples,
Vlcera de nostro corpore seua fugas.

Discutis & podagrā, & Chyragrā, quid plura loquas
Id breuibus possum dicere cuncta facis. (mur:

Tanta tibi uarie radices dona dederunt
Que suis præbent suppeditantq; cibum.

Propterea trifidi domitrix fortissima mundi
Romula gens in te religiosa fuit.

Te noua nupta ædes chari ingressura mariti,
Vngebatur postes uestibulumq; domus.

Dicitur hinc uxor quod ei de more uetusto
Liminis ungenti credita cura fuit.

Spes erat erumnas Axungia pelleret omnes,
Nec talem intrarent fat a sinistra domum.

Ad podagram

posuimus
Axungia
Rurpl

Ad Podagram redeo, milui fimus, & cochlearum

Mustellæq; cinis, te podagrose iuuant.

Debilibus neruis mustellæ admitte cruorem

His etiam uituli commoda prebet adeps.

His quoq; pertimidi carnes adponere damme

Auriti & leporis ius statuisse iuuat.

Vulpinam egrotis pedibus circumdato pellem.

Hos quoq; vulpino sedulus unge oleo.

Hos etiam satagas inuoluere pelle canina

Atq; canis super hos sepe locetur adeps.

Tu sepelire fimo coruum curabis equino

Viuentem: huic nullus sit locus effugij.

Hinc extracta die quarta sua membra cremabis.

Et caræ adiunges quem tuleris cinerem.

Ad motus pedibus Podagræ fera bella coerchet

Ocius & uires suggerit ille nouas.

Et Podagræ cruciamen auis lunonia sedat.

P. 440.

Si pedibus statuas quem iacit ipsa finum.

Vnge pedem affati calida pinguedine felis

Vtile cui fuerit iungere Castoreum.

In cinerem redigas muli caput ipse marini

Misceto melli delinitoq; pedes.

Obstreperam ranam cultro discerpe, pedesq;

Adfigas pedibus quos Podagra excruciat.

Pes tangat dexter dextrum, leuus quoq; leuum,

Spesq; breui spatio certa salutis erit.

Libera nunc abeant animalia plurima restant,
Scribenda, at quisnam scribere cuncta queat?
Nunc ego te paucis que mensa struenda monebo,
Nam res momentum non leue talis habet.
Prodiga perfringunt nervos obsonia & artus,
Sit tua frugalis parcaq; mensa uelim.
Pane satis cocto imprimis uescare, nec atro,
Nec nimis albenti, sitq; sapore placens.
Lagana, & imbutas melle exhorreto placentas,
Atq; coqui docta structa tomacla manu.
Visose salsa, ueteris quoq; fercula carnis,
Et salsos pisces te moneo, effugias.
Allia cum ruta, & lachrimosas pellito cepas,
Has quanquam Aegiptus numina sancta putat.
Abstineas pipere & rapo, & uernalibus uuis,
Pomis atq; piris que tibi prebet hyems.
Lugubremq; fabam mensa ne admiseris illam,
Abijciunt samij dozmata Pithagoræ.
Hanc minime audebat flamen tractare dialis,
Ipsa etenim ad laruas pertinet & lemures.
Humanos hebetat sensus, insomnia dira
Terrore, & gelido plena timore parit.
Pisa nuces, & castaneas contemne, nec ullum,
Caseus in mensa possit habere locum.
He tibi sint epule, gallus gallina, ariesq;
Et bos quem nondum dura senecta premit.

Cuniculus

Cuniculus lepus, ouis forbile, garrula perdix,

Adde & aues adsunt membra pusilla quibus.

Pisciculos probo quos fluido piscabere riuo,

Nulla quibus squama est, hos procul esse uelim.

Et lampetram abigas solita est qua lambere petram,

Et cancrum obliquo cui datur ire gradu.

Anguilla haud mensas oneret, namq; ipsa tenacem

Humorem humanis ingerit articulis.

In pretio Murena fuit, luxuq; superbo

Inter regales est numerata dapes.

Enutrijt Drusi murenam Antonia in aures.

Illi per pulchras obsequiosa dedit.

Fleuit & extinctam lachrymis Hortensius amylis

Murenam tantus feruor amoris erat.

Hanc tamen abijcias quisquis podagrosus haberis.

Morbo incrementum uel feret illa tuo.

Vis breuibus dicam: quis enim omnia dicere possit?

Plus tibi quam piscis proderit ipsa caro.

Lene bibas te metum clarum, gratiq; saporis,

Infundes liquidam, si mihi credis, aquam.

Pocula quot siccanda tibi nec scribere possim,

Nec iuuat hanc ratio rem moderata regat.

Vnum hoc te monitum cupio, dum mensa relictæ est,

Reliquias habeas & famis atq; sitis.

Sumptum post epulas te hilarem reddet Coriandrum,

Nec cerebri poterit te cæta subire uapor.

Nec nimium uigila, nec plus satis utere somno,
Distet is à cœna quæ breuis extiterit.
Decubitus ledet (fugito hunc) tua membra supinus,
Raro equita, curas pectore pelle graues.
Aures te fidibus iuuat oblectare canoris,
Mulcidaq; artifici tangere fila manu.
Cantus enim ex animis curarum discutit æstus,
Et ualidum corpus mens hilarata facit.
Sint procul hinc rigidi nimium tetriciq; Catones,
Sit procul hinc toruum & triste supercilium.
Tu congerrones falsos simul atq; disertos
Delige, quorum sint ora referta iocis.
Quorum sit grauitas festiuo sparsa lepore,
Linguaq; non uana garrulitate strepens.
Colloquio hos admitte tuo, sed trude bilingues,
Palpones, & qui tristia uerba serunt.
Exercere gradu leni, passuq; pusillo,
Humorem excernet motus & ipse malum.
Nam diuturna quies uires obtundit & artus,
Conspurare solet sordibus innumeris.
Et ueluti ferrum multa rubigine sordet,
Illud si nullis usibus admoueas.
Corpora non aliter fœdantur nostra, ruuntq;
In uitium, fuerint si requieta nimis.
Flebile prætere miserumq; est, regem animantum
Non posse aut certe nolle mouere gradum.

Experiare

Experiare tuum sensim, & certo ordine robur,
Id labor augebit, si moderatus erit.

Aera uitabis rapido qui concremat aestu,

Quiq; graui nimium frigore membra quatit.

Hos monitus seruare uelis, speroq; futurum

Intereat spatio dira Podagra breui.

Certatum satis est iam buccina rauca receptum

Nunciat, hinc nostri meta laboris erit.

FINIS.

DIALOGVS INTER PODAGRAM

& Christophorum Bals

listam.

P. Heu heu me miserã, quò me uertisse iuuabit,

In me telorum dum ruit ampla seges?

Heu quarta luna natam me ac sydere læuo,

Atra dies nimium quæ mihi prima fuit.

Vndiq; missilibus terebror, fuga nec datur ulla

Enerues mihi sunt inualidiq; pedes.

Quàm me lius natura feris prouidit, & ipsis

Quo laqueos fugiant præbuit auxilium

Sæpius irridet cassem, & uenabula ceruus

Ridet aper, rident siluicolæq; fera.

Cur fretæ pedibus uitare pericula norunt,

Plurima pes agilis commoda sepe parat.
 Ast ego sum quauis testudine tardior, & me
 Viribus exhaustam ferrea tela premunt.
 Quid superest, nisi me barathrum detrudat in imum,
 Pallida mors, uitæ fila secetq; meæ? (P. quem?
 Ergo Ego nunc moriar? C. moriere. P. quid audio? C. me.
 C. Summū hostē Podagra. P. quod tibi nomē? C. habe,
 Christophorus Ballista. P. in me quid spicula torques?
 C. Ut fato occumbas. P. non ego promerui.
 C. Mille cruces tibi debentur, suspendia mille.
 Mille ignes, mille & tormina, mille rotæ.
 Et tibi post fatum, debentur tartara mille.
 Plurāq; quā possim dicere supplicia.
 P. Dic causam. C. quia quos insignit mascula uirtus
 Adgrederis, solito destituisq; gradu.
 P. Quos ego destitui? C. quos? enumerare pigeret:
 Heu, nequeo fletu me cohibere graui.
 Ut taceam innumeros, quorum fera bellua, uires
 Fregisti, pedibus bella cruenta mouens.
 Tu Sedunensem crudeli Marte Philippum
 Vicisti, & uictum sub tua fræna trahis.
 Cuius uita uelut lampas Phœbæa choruscet.
 Opprimis hunc uinclis ipsa, ligasq; tuis.
 Tu telis moriare meis. P. Ignosce precamur.
 C. Id nequeo. P. non es ferreus. C. esse uolo.
 P. Luce frui me, queso, sinas, liberq; Philippus
 Fiet

Fiet, & his pedicis ipse solutus erit.

C. Plura peto P. quenam? C. nullis fera bella moueto,

Quos rutilans uirtus puraq; uita probat.

P. Efficiam. C. uideas pactum promissaq; serues,

Conficiam telis uel tua membra meis.

P. Quosnam ergo dabitur pedicis inuoluere nostris?

C. Quae referam memori uerba reconde animo.

Inuoluas illos primum qui in mutua currunt

Funera & insano bella furore petunt.

Quorum pacifici contra pia dogmata Christi,

Arma pedes properant ad furibunda leues.

P. Nunquid sceptrigeros audebo inuadere reges?

C. Aude. ex his pendet tam grauis ansa mali

Quae modo terrificis tellus non perfremit armis?

Quae modo non nostro sanguine terra rubet?

Ambitio quicquid regum temeraria tentat,

Nos uulgus miserum plectimur & luimus.

Iniucito his laqueum quem non perfringere possunt,

Post tantas furias in sapuisse uelint.

P. Et quid preterea? C. uentres inuadito obesos.

Et bellum tumidis infer aqualiculis.

P. Muneris haud nostri est uentres inuadere. C. uentres

Hos uoco qui sese pinguius enutriunt.

Commissis ouibus uerbi sed pabula non dant,

Extremamq; sinunt has cruciare famem.


P. Nil ne aliud restat? C. lurcones & comedones.


Fures quosq; Venus pellicit arripito.
 In summa ut breuibus ualeam concludere uerbis,
 Tu ne lede probos sepe noceto malis.


FINIS DIALOGI.


CHRISTOPHORI BALLISTAE AD CHRI
 STOPHORVM CLAVSERVM ME
 DICAE ARTIS EXIMIVM
 DOCTOREM EPI =
 GRAMMA.


Ipse ego Christophorus foetum tibi mitto recentem,
 Christophoro nuper quem mihi musa dedit,
 Non bene compactos huius si noueris artus.
 Complanes docta singula membra manu,
 Si deformis erit, poteris nec reddere bellum,
 Te precor hunc lucis munere destituas.
 Si placido fuerit uultu, membrisq; decoris,
 Calcographus uestem det sibi Christophorus.
 Nam tenerum & mollem foetum dimittere nudum,
 Non ausim gelido frigore ne pereat.
 Ad tria tendo.














24

11

